



Francesco Brandino, poeta improvvisatore conosciuto con il nome di frate Giovanni Maria da Ploaghe. Ricordato per la composizione *Mazzone so e isco mazzonare*
di Cristoforo PUDDU

Il linguaggio della poesia custodisce nei versi il suono che le parole scandiscono con gli accenti ritmici. E proprio il verso di undici sillabe (ossia, l'endecasillabo tanto caro ai nostri poeti) si presta a molte varianti di accento per donare la magia di musicalità differenti. Forse è solo la Sardegna a poter vantare l'unicità di una tradizione poetica, così autentica e profondamente radicata nel canto, e che si esprime tuttora nelle modalità estemporanee de "Sa Gara".

Che l'Isola sia stata, da millenni, terra di poeti e di canto è documentato anche dalle *lettere* di Cicerone e dalle *Satire* di Orazio: ricordano la figura del musicista e poeta Tigèllio Ermògene, sardo di origine e vissuto nel I secolo a.C., che con la sua arte conquistò l'amicizia e i favori di Giulio Cesare, e poi di Ottaviano, ma anche l'invidia ed inimicizia di personalità del periodo. Cicerone lo definisce *hominem pestilentiorum patria sua* (uomo più pestifero della sua patria). Tale *romanico* "apprezzamento" può solo inorgogliare gli indomabili sardi, storicamente combattenti con audacia ed orgoglio identitario ad ogni dominazione.



Di quella miriade di poeti sardi, che già in secoli lontani sono stati *imbenteris* di poesia a *bolu*, non sopravvive neanche il nome o qualche verso; di altri, vissuti relativamente vicini ai nostri tempi, si ha la fortuna di conoscere *cantones* e versi tramandati oralmente ma scarne notizie biografiche sugli autori. È il caso del poeta improvvisatore **Francesco Brandino** (Ploaghe 1789-1854), caratterialmente “d’umor giulivo”, si diletta e si afferma giovanissimo nell’arte della poesia. Indossato poi l’abito dell’ordine dei Cappuccini, è conosciuto col nome di frate Giovanni Maria da Ploaghe; noto principalmente per la composizione *Mazzone so e isco mazzonare*, in cui, sotto la metafora della volpe-mazzone, “ammonisce gli inganni e le astuzie dei falsi amici”. Poeti contemporanei ploaghesi del Brandino (Brandinu, secondo lo Spano), furono Francesco Fais (1785-1851), Luigi Marongiu, conosciuto come frate Luigi da Ploaghe, e il notaio Gavino Luigi Salis.

Mazzone so e isco mazzonare

Mazzone so e isco mazzonare
e ando cant'un'ateru mazzone,
e servo puru in calchi occasione
e bido sos mazzones mazzonende,
mancar'hapanu massimas andende
che can'e nasu in su trattu los chirco;
sas mazzonias issoro jà las isco
mancari si nde cherfana cuare.

Mazzone so e non timo a niunu
ca eo puru so mazzon'e mesu,
bastat chi dae me ch'istent attesu
mazzonet cantu cheret puru ognunu;
però si contr'a mie hat calecunu
sas mazzonias mias bogo a campu,
e si tempus li do de unu jampu
a su de duos bei det restare.

Totu sas trassas chi su mazzon'hada
eo las isco e las tenzo presente,
chi una chi nde fattat solamente
sa mazzonia sua est accabbada;
a su mazzone tempus non si dada,

de una olta totu l'intendide;
cando pius dormidu lu faghides
tand'est chirchende a chie ingannare.

Issos cun totu faghene su jogu
però cun megus mai hana jogadu:
inimigu che deo declaradu
pro sos mazzones non che nd'hat in logu,
si non poto pius lis ponzo fogu
cando los bido ch'intrant in sa tana,
a su mancu pius dent haer gana
in logos mios mancu a bi passare.

Osservade su cane cando chircat
sa fera in calchi cazza regulada,
osservade s'nie b'est passada,
andade attent'a s'istiga s'est frisca,
appenas chi la idet ndela piscat,
prinzipalmente s'est cane valente;
gasi matessi, e non diversamente,
cun sos mazzones cherzo praticare.

Iscultade unu fattu curiosu
ch'hant proadu una olta pro accasu.
Furesit unu biculu de casu
unu corvu famidu e bisonzosu,
l'acciappat su mazzone malissiosu,
lu saludat e li narat: «So inoghe,
m'hana nadu chi tenes bona oghe,
dami su gustu a t'intender cantare».

Su corvu chi abberu lu faghiat
luego bessit de un'insolutu,
appenas cantat su casu l'est rutu,
su casu ch'in sa ucca lu jughiat,
l'acciappat su mazzone: valentìa!
ch'a unu corvu maccu has ingannadu;
ma si che deo astutu fit istadu
non ti fisti attrividu a lu tentare.

Cando cherent la fettana sa proa
e benzant sos mazzones mudos mudos:
si sunt de cuddos mannos e coudos
si ch'andant senza jua e senza coa.

Ma si lu fatto no est cosa noa
ch'ateras boltas puru nd'hapo fattu,
cun sos mazzones non b'hapo cuntrattu
ma no est cosa de sinde fidare.

Mancari benzat su mazzone canu,
ca mazzonende est su pius astutu,
passet in logu nettu o in logu bruttu,
andet currerde o pianu pianu,
istet seguru chi m'intrat in manu,
a tardu si ritiret o a chito;
e si m'intrat in manu li promitto
chi a s'istante tot'hat a pagare.

Finis già l'hapo lead'a impignu
ma no isco si m'hat a resessire,
isto pensende un'ateru dissignu
de los poder in totu destruire,
algunos cun su fogu hap'a bocchire,
ateros puru cun sa mazzonera,
a su manc'hap'a fagher de manera
ch'intesu a mie s'hant a trabentare.

Mazzone so e isco mazzonare.

Su mundu est tott'imbroglios e ingannos

Su mundu est tott'imbroglios e ingannos,
como niunu si podet fidare:
cando si solet su coro mustrare
tando si faghet sa traissione;
custa malissia custa lessione
la tenent hoe minores e mannos.

Paret chi siat s'ordine confusu,
su mundu como tottu est cambiadu,
tott'hana sa manera istudiadu
de ingannare e l'hana posta in usu;
como non si nd'incontrat no piusu
de amigos sinzeros e fidados

ca sunu a s'interesse tottu dados
cherfende s'unu a s'ateru ingannare.

Amigos non che nd'hada a su presente
ca ingannare han imparadu s'arte,
sa parentella la ponen a parte
e pensana pro issos solamente:
siat connoschidu o siat parente
pensan de s'ingannare s'hana logu,
innanti in faccia li faghen su giogu
pustis li cheren sa morte tramare.

Medas hant in amigos cunfidadu
pro ca tenian amistade forte,
pustis in paga lis dana sa morte
da ch'haian umpare mandigadu;
est usuale meda praticadu
e casu chi suzzedit d'ogni die,
li mustrana sa faccia rie rie
e i su coro cheren occultare.

Custu chi naro no est ozziosu
e ne cosa chi m'hapo ideadu,
si non lu nerzat chie l'hat proadu
custu casu funestu e dolorosu:
cando creiat de viver dicciosu
pro s'incontrare in manos de s'amigu
ecco chi si li mustrat inimigu
e i sa vida li cheret leare.

Ateros bei nd'hat chi ogn'istante
istant a mesa e a banca parada:
pustis ch'est sa sienda isperdissiada
dognunu si li mustrat incostante,
no hat pius amigu e ne amante
e dae niunu est favoridu.
Pustis chi sa sienda hat concluidu
totu cominzan a si lu lassare.
Homines chi amigos bos chircades,
dai atere leade isperienzia,
non los miredas mai a sa presenzia
ca si no ingannados bos restades;
su coro e i s'affettu chi lis dades
siant dae malissia regulados

ne mai los tenzedas pro fidados
si non den benner a bos coglionare.

Mai chirchedas persone fida da
pro ca niunu mantenet sa fide,
cust'iscritt'in su coro lu tenide
chi de fide in su mundu non che nd'hada.
Sa fide est morta e a bagnubettada,
s'ingannu solu est in d'ogni persone,
ind'ogni tempus e occasione
imbroglios s'hada a bider praticare.

De imbroglios su mundu est un'abissu,
chircade grados e condissiones.
S'andamus como a sas religiones
ah! dia narrer si mi fit permissu;
beru chi non bi regnat d'ogni vissiu,
mancu sos principales bi sunt tottu,
ma pr'ogni cosighedd'un'abbolottu
in sos cunventos solene pesare.

De sazzerdotes niente nde tratto
ca timo chi s'offendat sa Cheja,
ma si faeddat custa limba mia
sa malissia, s'ingannu bei agatto.
Pro irgonza sas cosas non relato
ch'a mie dian esser sos affrontos
però sun tant'attrividos e prontos
ch'andan fin'a su mortu a ispozare.

Troppu sun evidentes sas rejones
e cherzo tottu chi las connoschedas;
custos santicos mai los cretedas
ca sunu tottu cantos satrapones,
parent pienos de devossiones
ma tottu su chi lughet no est oro,
cando bos cheren su velenu dare.

D'ognunu pensat como a fagher male,
non si connoschet pius sa giustissia,
pro legge bona como sa malissia
est assentada ind'ogni tribunale;
como mancu sa legge naturale
paret chi tenzat su vigore sou,

sos pesos d'ogni die sun de nou
duros, chi non si poden supportare!

Pro cussu ogní bon'ordin'est turbadu
pro ca sos prepotentes sunu meda,
issos ispenden dinari e moneda
e luego ogn'iscandalu est saldadu;
o bene siat o male leadu
su giustu non si chircat pro niente:
«Si non» risponden issos «e comente
diamus nois sa vida passare?».

Mundu ingannosu mundu traitore,
e prite a ti connoscher m'has battidu?
Sos innozzentes brujare hapo idu
e i sos reos salvos cun honore,
s'ingannu, sa malissia e i s'errore
paret chi siat como triufende.
Cosas chi como s'istana bidende
non si podian mancu immaginare.

Si chircamus sos ateros istados
de relatare non nde tenzo briu:
cavaglioris cun su signoriu,
sos bajanos pizzinnos cojuados
tottu sun in s'ingannu abituados,
s'ingannu tenent pro propriedade;
de bascia isfera o de qualidade
s'ingannu cherent solu istudiare.

In chie mai s'osservat s'emenda
de sos ingannos est in sos gusinos,
custos andan in bidda che runzinos
in d'ogni domo chirchende proenda;
issos in ojos giughent una benda
chi non lis lassat bider sa rejone,
pienos sunu de presunzione
cherfendesi de tottu appoderare.

Custos non pensant in religione
ch'ignorana proite sun naschidos,
in s'inferru sun lupos abbramidos
e a s'esternu cumparint anzones.
Non bos fidedas de custos buffones

ca tenene malissias troppu viles,
cun maneras urbanas e ziviles
si cheren de su mundu buffonare.

S'ingannu in d'ogni logu est avanzadu,
in d'ogni istadu hai postu raighinas;
non faeddo ne tratto de feminas
diversamente m'incontro turbadu,
issas matessi l'hana cunfessadu
chi in sa malissia sa femina est rara,
a d'ogn'amante mustrana sa cara
a tottu cheren sempre cuntentare.

Iscuru a chie bi ponet afficcu,
prinzipalmente in feminas bajanas,
issas bessin pomposas e galanas
pro dar'a bider chi faghen ispiccu:
ancoras chi s'amante siat riccu
in breve tempus benit a pedire.
Custas serpentes si deven fuire
ca sun naschidas pro avvelenare.

Ogni disgustu, ogni dispiaghore
in custu mundu dia haer suffridu
però mai mi fia reduidu
a esser sutta de una muzere.
S'homin'in domo devet esser mere
siat pizzinnu o siat anzianu,
pro ca si dades a issas sa manu
dai sas domos bonde dent cazzare.

Finis s'ingannu est como in d'ogn'istadu
ca in dognunu b'est s'ambissione,
cuddu chi como no est imbroglione
est sempre dai tottu criticadu,
no hat pius impreos e ne gradu,
luego perdet tottu sos honores:
bezzos, pizzinnos, mannos e minores
cun s'ingannu los dezis agatare.

(07-04-2016)